

TRIPOLIS Ptol. ibid. *Leontij* Tripolitani Episcopi meminit *Socrates* ibidem. *Agogius* Tripolis Lydiae Episcopus subscripsit Concilio Nicæno primo, *Paulus* Concilio Chalcedonensi act. 1. & *Joannes* dictæ epistolæ Synodali.

THYATYRA Notitiæ antiquæ, vulgò *Tyre* teste *Leuncl.* Ex eius Episcopis *Sorzon* subscripsit Concilio Nicæno I. & *Diamonius* Thyateranus Synodali epistolæ.

SEPTE Ptol. vbi supra, sed libro Conciliorum Sesto. *Iamachius* Sestorum Episcopus subscripsit Concilio Chalcedonensi, & *Ioannes* Sestorum in Lydia Const. gener. 6.

GORDVS, quæ postea Iuliopolis Strab. lib. 12. *Ioannis* huius Episcopi meminit *Socrat.* lib. 7. hist. Ecclesiast. cap. 35. & *Theodotus* Gordi Lydiae Episcopus subscripsit epistolæ Synodicae huius prouinciæ ad Leonem Imperatorem.

TRALLIS Notitiæ antiquæ, *Chora* Nigro. *Uranus* Trallenorum Episcopus in Lydia Constantinop. generali quinto Concilio subscripsit.

SILANDVS eidem Notitiæ Græcæ. *Alcimedus* Silandi Lydiae Episcopus subscripsit Concilio Chalced.

MÆONIA eidem Notitiæ. *Joannes* Mæoniæ Episcopus subscripsit epistolæ Synodali huius prouinciæ.

APPOLLINIS-FANVM Scylaci in Periplo. *Leucio* Fani-Apollinis Episcopus subscripsit Concilio Chalcedon. qui & *Lucius* dicitur in epistola Synodali huius prouinciæ, cui subscripsit.

MOSTENA Mosteni Ptol. lib. 5. cap. 2. Ex eius Episcopis *Iulianus* epist. Synodali huius prouinciæ ad Leonem subscripsit.

APOLLONIA Ptol. ibid. vulgò *Lupadi*. *Cyriacus* Apolloniadis Episcopus subscripsit eidem epistolæ Synodali.

ATTALIA Stephano, Turcis *Attali* teste *Leunclauio*. Ex eius Episcopis *Dionysius* Concilio Chalcedonensi, necnon epistolæ Synodali huius prouinciæ subscripsit.

BANA dictæ Notitiæ antiquæ, & Beana epistolæ Synodicae Lydiae ad Leonem, cui *Leonides* huius ciuitatis Antistes subscripsit.

BALANDVS eidem Notitiæ, & Blandus Straboni versus Lydiam lib. 12. *Onesiphorus* Episcopus Blandi subscripsit eidem epistolæ Synodali.

HIEROCÆSAREA Ptolem. ibidem. *Cosinius* huius Episcopus subscripsit Concilio Chalcedonensi.

ACRASSVS Notitiæ antiquæ, *Nacrasa* forte Ptol. ibid. *Patricius* Acrassi Episcopus subscripsit eidem Concilio Chalcedonensi.

DALDVS, Daldis Suidæ in voce *Artemidorus*, qui hanc *Myssen* ab Incolis dictam scripsit: *Dadales* Ptolem. ibid. *Paulus* Episcopus Daldi subscripsit epistolæ Synodali huius prouinciæ.

STRATONICIA dictæ Notitiæ. Ex eius Episcopis *Eutherus* subscripsit Concilio Ephesino, & *Gemellus* Concilio Chalced. necnon epistolæ Synodali huius prouinciæ.

SATALA eidem Notitiæ antiquæ Græcæ. *Iulianus* huius Episcopus subscripsit eidem epistolæ Synodali.